

**II. ATALA****BIZKAIKO LURRALDE HISTORIKOKO TOKI ADMINISTRAZIOA****Getxoko Kultur Etxea Tokiko Erakunde Autonomoa****Getxoko 2021-22 ikasturterako programazio artistikoko deialdia**

Getxoko Kultur Etxeak Getxoko 2021-22 ikasturterako Programazio Proposamenen Deialdia aurkezten du, xedetzat duena getxotarrek sustatutako edo egindako obra eta proiektu artistikoak erakustea bultzatu eta ahalbidetzea. Hori guztia, honako prozedura eta irizpide hauei jarraikiz:

1. Proposamenak bidali ahal izango dituzte egoitza fiskala Getxon daukaten eta getxotarrek ekoiztu edo kontzeptualizatu, idatzi edo diseinatu ahal izan dituzten obra artistikoak landu, ekoiztu edo banatu ahal dituzten pertsona fisiko zein juridikoek. Getxotarrek parte hartu edo kolaboratzen duten obrak ere izan ahalko dira. Antzezlanak, koreografiak, zinema proiektzioak, edonolako musika kontzertuak, bertsolarien emanaldiak, haurren obrak, umore ikuskizunak, errezitaldiak edo antzekoak izan ahalko dira. Ere berean, onartu egingo dira lehiaketak, sariketak, zikloak edo jardunaldiak, baldin eta ez badute 3 egun baino gehiagoko iraupena.
2. Nahi beste proposamen bidali ahal izango dira, baina Kultur Etxeak ez du bat baino gehiago hautatuko eskatzaile bakoitzeko. Proposamenak edozein hizkuntzatan egon ahal izango dira, eta gutxienez ordubeteko (1) iraupena izan beharko dute.
3. Proposamenak euskarri digitalean aurkeztuko dira 2021eko urriaren 1etik 2021eko azaroaren 2ra arte. Eskaera orria-I. eranskina, II. eranskina (ekitaldiaren azalpen-memoria) eta III. eranskina (erakustaldiaren beharrak) bete eta bidali beharko dira. Bestalde, pertsona eskatzaileak proposamenarekin batera aurkeztu ahal izango ditu eskatzailearen ibilbidea eta esperientzia, proposamenari lotutako CVak eta baita obraren material adierazgarria (artxibo grafikoak, soinuzkoak eta ikus-entzunezkoak ere, JPEG, AVI, MOV, MPEG, FLV formatuetan).
4. Proposamenak programatu ahal izango diren erakusketa espazioak soilik honako hauek izango dira:
  - a) *Muxikebarri*: Ereaga aretoa, Arrigunaga aretoa eta Areeta aretoa.
  - b) *RKE*: Ekitaldi aretoa.IV. eranskinean aurki daitezke aretoetako fitxa teknikoak, eskuragarri dauden planoekin, ekipamenduarekin eta inbentarioarekin. Espazioaren proposamena ez da loteslea izango.
5. Proposamena erakusteko aurrekontuak eskaerarako aurreikusitako aretoaren fitxa teknikoan azaltzen ez diren material guztien alokairua hartu beharko du barne (IV. eranskineko dokumentazioaren arabera), eta horiek pertsona eskatzailearen kontura izango dira.

Egile-eskubideak ordaintzeko aurrekontua eskatutako aretoko leku kopuruaren arabera adierazi beharko da, behar bezala xehakaturia (III. eranskina). Dena den, proposamena aukeratzekotan, Kultur Etxeak ordainduko du zuzenean.

Kultur Etxeak zuzenean ordainduko ditu honako hauei lotutako kostuak: argiztapena, soinua, ikus-entzunezkoak, makineria eszenikoa, zamalanak, artistei emandako arreta, errejidoretza, publikoak antolatzeak langileak, sarrerak, leihatilak, jantzitegi zerbitzua, segurtasuna eta garbiketara zerbitzua. Oinarri hauetako 6. puntuan sartzen ez den edozein kostu pertsona eskatzaileak ordaindu beharko du.
6. Proposamen guztien prezio publikoak (sarrerena) Kultur Etxeak ezarriko ditu, sarreraren tarifa ezartzeko erabateko eskumena izango duena. Hala ere, Tokiko ogasunei buruzko abenduaren 16ko 9/2005 Foru Araua (abenduaren 31ko BAO) aplikatuz ezarriko da prezioa.



- Hautatutako pertsona eskatzaileak baimendutako aforoaren %2 izango du ikuskizunerako gonbidapenetan. Ikuskizuna hasi baino 72 ordu lehenago gonbidapenak eskatzen ez badira, Kultur Etxeak erabili ahal izango ditu.
7. Erakusteko proposatutako datak argi eta garbi adierazi beharko dira inskripzio-rako formularioan, baina inola ere ez dira lotesleak izango. Datak 2022. urtearen baitan egon beharko dira.
  8. Proposamenak erregistro telematikoaren bidez helarazi behar dira Kultur Etxera, [www.getxo.eus](http://www.getxo.eus) webgunearen bidez. Zalantzak eta galderak [programazioa@getxo.eus](mailto:programazioa@getxo.eus) helbidera bidali daitezke.
  9. Kultur Etxeko teknikariak arduratuko dira pertsonaren programazio irizpideekin bat datozen eta euren ezaugarriengatik adierazitako espazioetara egokitzen diren proposamenak hautatzeaz. Kultur Etxeko teknikariek beste aditu batzuen txosten dokumentatuetara jo ahal izango dute eta informazio osagarria eskatu ahal izango dute egoki irizten badiote.
  10. Kultur Etxeko teknikariek honako irizpide hauen arabera baloratuko dituzte proposamenak:
    - A. *Udalerriarekiko lotura*: Pertsona eskatzaileak, proposamenak eta bertako ki-deek Getxo udalerriarekin duten lotura.
      - a) Getxon bizi diren arte- eta kultura-sektorearekin lotutako pertsona juridikoen parte-hartzea.
      - b) Getxon bizi diren arte- eta kultura-sektorearekin lotutako pertsona fisiko profesionalen parte-hartzea.
      - c) Getxoko ondare ukigarria eta ukiezina proiektuan egotea.
      - d) Getxoko herritarrengan, oro har, eta proiektuaren hartzaileengan, bereziki, berriazko harremana eta eragina izatea.
    - B. *Proposamenaren balorazioa*:
      - a) Aurkeztutako proposamenaren kalitatea.
      - b) Aurkeztutako proposamenaren interesa, bereziki baloratuta proposatutako gaiaren originaltasuna eta zein hartzaile motari zuzenduta dagoen.
      - c) Pertsona eskatzailearen eta proposameneko partaideen ibilbidea eta esperientzia.
      - d) Erakusteko aurrekontuaren egokitzapena eta bideragarritasun teknikoa.
      - e) Euskararen erabilera eta presentzia.
      - f) Genero ikuspegia txertatzea.
      - g) Aurreko urtean saritua ez izatea.
    - C. Kultur Etxearen programazioan txertatzea
- Deialditik kanpo geratuko dira honako proposamen hauek:
- Edukiengatik, arraza, sexu, erlijio edo pertsonaren oinarriko eskubideen aurkako beste edozein diskriminazio-mota sustatzen badute.
  - Aurrekontu artistikoan (katxeta, ordainsariak, dietak eta kontratatzailearen kostu gehigarriak) 10.000 eurotik gorako gastua proposatzen badute (zergak barne).
  - Aurrekontu teknikoan 10.000 eurotik gorako gastua (zergak barne) egitea suposatzen duten erakustaldiak. Kostu hori Muxikebarriko zuzendari teknikoak kalkulatu du, eskatzaileak III. eranskinean emandako informazioan oinarrituta.
11. Aurreikusten da hautatutako proposamenak Kultur etxeak zehaztutako espazioaren baitan erakutsiko direla, Getxoko Kultur Etxearen 2021-22 ikasturterako programazioaren baitan kontratatzearen bidez.



Era berean, deialdi honen bidez hautatutako proposamen guztiek betebeharrak izango dituzte:

- a) *Proposamena bere sare sozialen bidez zabaltzea:*
    - a. Sustapen-mezuak argitaratzen.
    - b. Behin amaituta, proposamenaren balorazioa partekatuz.
  - b) *Kultur Etxearekin lankidetzan aritzea proposamena zabaltzeko:*
    - a. Proposamena sustatzeko beharrezko idatzizko dokumentazioa edo material grafiko edo ikus-entzunezko guztia eskaini.
    - b. Prentsaurrekoetan edo zuzeneko zein telefono bidezko elkarrizketetan parte hartuz.
  - c) *Proposatutako jarduerara joateko sustapena:*
    - a. Jardueraren publizitatea gauzatzuz.
    - b. Bere bazkideen artean sustapenak garatzen.
12. Hautatutako proposamenen pertsona eskatzaileek zinpeko adierazpena sinatuko dute, honako hau jasoko duena: proposatutako obra edo ikuskizuna jendarean erakusteko eta komunikatzeko eskubide guztiak dituztela, proposamenaren zuzendaritza eszenikoaren jatorrizko autoretzat (izan argitaragabea edo izan errepresentatua) eta aurkakoa frogatuz gero jasotako zenbatekoak itzultzeko konpromisoa. Horrez gain, Kultur Etxeari laga beharko dizkiote irudiaren, jabetza intelektualaren eta jabetza industrialaren gaineko eskubideak, beharrezkoak direnak Kultur Etxeko egonalditik eta parte-hartzetik eratorritakoak finkatu eta ustiatzeko.
13. Proposamenak aurkezteak ez dakar inolako eskubiderik, eta administrazio hau ez du lotzen inolako kontrataziorik egiteko. Hala, eskaintza edo aurrekontu soila baino ez da.
- Hala ere, Kultur Etxearen interesekoa da 120.000 euroko proposamenak kontratatzea, bat etorritik egindako balorazioarekin.
14. Aurkeztutako proposamen guztiek COVID-19arekiko prebentzioaren arloan indarrean dagoen araudia bete beharko dute, eta kontingentzia sanitarioko plana hartu beharko dute barne. Hori ekitaldia baino 30 egun lehenago aurkeztu beharko da, programatua izatekotan.
15. Datuen babesa: Datuak babesteko araudiaren arabera, zure esku jartzen dugu emango dizkiguzun datu pertsonalen tratamenduari buruzko oinarriko informazioa: Zure datuak Getxoko Kultur Etxearen (Villamonte A-8, [kulturetxea@getxo.eus](mailto:kulturetxea@getxo.eus)) ardurapeko «Hornitzaileak» tratamenduari gehituko zaizkio. Horren helburua da Kultur Etxeak antolatzen dituen jarduerak kudeatzea. Tratamenduaren oinarri juridikoa baimena eta kontratuaren egikaritzea dira, eta datu horiek arduradunarekin zuzenean lotutako antolakundeei edo zerga administrazioari laga ahal izango zaizkie. Titularrak datuak jasotzeko, zuzentzeko, ezabatzeke edo lekualdatzeko eskubidea du, eta datuak tratatzearen aurka agertzeko idatzizko jakinarazpena bidali beharko du Getxoko Udalera edo [datuak@getxo.eus](mailto:datuak@getxo.eus) helbide elektronikora (datuak babesteko ordezkaria). Kasu bietan nortasuna egiaztatzeke agiria bidali beharko du. Horretarako eskuragarri dagoen izapide elektronikoa udalaren egoitza elektronikoa ere abiatu daiteke. Informazio gehiago hemen: [www.getxo.eus/datos](http://www.getxo.eus/datos)

*Eskaerarekin batera aurkeztu beharreko dokumentazioa*

- a) I. eranskina: eskaera erdua.
- b) Eskatzailearen NANA edo/eta IFKaren fotokopia.
- c) II. eranskina: azalpen-memoria.
- d) III. eranskina: erakustaldiaren behar teknikoak.
- e) Bestelako dokumentazio osagarria (hautazkoa):
  - Pertsonaren ibilbidea eta esperientzia.



- Proposamenari lotutako lantaldearen CVa.
- Proposamenaren material adierazgarria (artxibo grafikoak, soinuzkoak eta ikus-entzunezkoak JPEG, AVI, MOV, MPEG, FLV formatuetan).
- f) Pertsonak Ogasunarekin eta Gizarte Segurantzarekin egunean egotearen ziurtagiria.

*Getxoko Kultur Etxeak eskainitako dokumentazioa*

- IV. eranskina: Muxikebarriko Ereaga, Arriginaga, Areeta aretoen eta RKEko Ekitaldi-aretoaren fitxa teknikoa.
- Eranskinak Getxoko Udaletxeko webgunean publikatua.

Getxon, 2021eko irailaren 23an. — Getxoko Kultur Etxeko Presidentea, Irantzu Uriarte Gómez